

Մեք թագաւոր չունիմք օժած,  
 Ոչ իշխանութիւն մեզ տըւած,  
 Յամէն ազգաց եմք մեք կոխած,  
 Քրիստոնէից եւ յայլազգեաց:

Զունիմք աթոռ ըստ օրինաց,  
 Ոչ առաջնորդք ի վրայ խելաց.  
 Ամէնք խըմած են ու հարբած,  
 Մամոնայի ծառայ եղած:

Զինչ որ կ'ասեն՝ ինքեանք չառնեն,  
 Եւ վասըն դրամի քարողեն.  
 Յամէն քաղաք ժողովք կ'առնեն,  
 Ով որ քիչ տայ՝ կու բանադրեն:

Կ'ուտեն խըմեն, կ'ուրախանան,  
 Վասն օրինաց բնաւ չըհոգան.  
 Զոչխարս ձըգեն զայլոց բերան,  
 Փրկել զոգիս բնաւ չիջանան:

Վայ և եղուկ հազար բերան.  
 Զի Հայք հոգով մարմնով կորան.  
 Ո՛ւր են նախնի հայրապետքն այն  
 Եւ քաջ հովիւքըն սըրբազան.

Որք վասն հօտին զանձինս եղին,  
 Զգայլս և զգազանսըն փախու...

[ցին.

Ըստ բանի Տեառն Յիսուսի Փըրկ-

[չին,

Արքայութեան ժառանգ արին:

Ասժմըս հովիւք՝ վարձկան եղեն,  
 Տեսեալ զգազանս՝ ի յետ փախչին.  
 Գազանք զգառինս յափշտակեն  
 Եւ պատառեալ զնոսս ցրուեն:

Որպէս այժմուս հազար թըւին  
 Եթեանասուն հինգերորդին,  
 Եկն Մելքիսեթ քաղաք Լովին.  
 Կորոյս ըզմեզ զամենեսին.

Բազում վընաս յիւրմէն տեսաք,  
 Շատ և յոյով տուգանք տըւաք.  
 Անթիւ արծաթ ոսկի տարաք,  
 Թէ նովաւ զհոգիս փրկէաք.

Իսկ նա բընաւ ամենեւին  
 Զառնէր փոյթ փրկել զմեր հոգին.  
 Կոչէր առ ինքն զամենեսին,  
 Թէ ձեռնադրեմ զձեզ՝ զի՛նչ տայք  
 [ինձ:

Վանքերն այլ արեղայ չիմնաց.  
 Ամենքն եկին իւրեանց յետանց,  
 Ղուռուչ դեկան բերին հիտրաց՝,  
 Լինել Պարոնտէր՝ թարց թեմաց:

Դըպիր մ'այլ կայր ի յայտ տեղաց,  
 Նիկիօլ անուն թորոտովեաց.  
 Որ ի Ստամբօլ ելիալ զընաց,  
 Մըտաւ ի կարգըն արեղաց.

Լըւաւ զհամբաւ երկրին Լեհաց,  
 Թէ Մելքիսեթն շատ ձեռնա-  
 [դրեաց.

Փութանակի Լով ժամանեաց,  
 Մելքիսեթին աչակերտեաց:  
 Իբրեւ ամխք քանի մ'անցին,  
 Մելքիսեթն ասաց Նիկիօլին.

«Քանի՛ հարիւր մառչիլ տաս ինձ՝  
 Զքեզ առաջնորդ դնեմ Լովին»:

Ասաց. «Երթամ յազգականքն իմ,  
 Քերց և եղբարց ասեմ վասն իմ»:  
 Նոքա լըւան և խընդացին,  
 ԶՍէֆէրն առ նա յուղարկեցին.

Զոր յետ բազում երթեւեկին՝  
 Հարիւր յիսուն զուռուչ կտրեցին.  
 Հետ մէկմէկի թուղթ գիր արին,  
 Որ յետ շարթու մի օրհնէին:

Իսկ ժողովուրդն երբ լըսեցին,  
 Քահանայք՝ զամբոխս կուտեցին,  
 Օրհնելուն ժամն վանքն գնացին.  
 «Այտ ի՛նչ բաներ կ'անես, ասին.

Մեք զնա չուզեմք, ոչ կ'ընդունեմք  
 Ոչ յեկեղեցիս մըտանեմք.  
 Զըլնի թէ զնա օրհնես մեզի.  
 Թէ չէ նա՝ շատ աղմուկ լինի»:

1. Հետ իրերաց. իրենց հետ: — 2. Եպիսկոպոս ըլլալ առանց թեմ ունենալու: